

Gvangjsih Minzcuz Bau

ganhhau: CN45-0036 B.2013 Nd.1 Ng.23 liggaueq nyaemzsaenz nienz ndwenlab cibngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3058期

Duh'anh: Seiq Aen Cosih Laebguh “Mbanj Minzcuz Doxgiet Cinbu Mozfan”

都安:四举措建设“民族团结进步模范村”

Duh'anh Yauzcuz Swciyen Dahingh Yangh Cizvah Cunh dwg aen “mbanj minzcuz doxgiet cinbu mozfan”. Gaenh bi daeuj, aen cunh neix doenggvaq seiq hangh cosih, doidoengh gensez sifandenj, aeundaej cwngzyau yienhda.

It dwg aeu gihcwngz dangjucjiz gensez guh cungsim, haenqrenz ca ndei gensez swhsiengj, cwngci nem cozfungh dangjyenz ganbu, vih doihaeuj gensez “mbanj minzcuz doxgiet cinbu mozfan” daezhawj cujiz baujang gig miz rengz.

Ngeih dwg aeu senhconz gyauyuz guh giz hauej, hauejlaeg ge

ndeik gak loih mauzdun, vih doihaeuj gensez “mbanj minzcuz doxgiet cinbu mozfan” daezhawj sevei vanzging maenhndei.

Sam dwg aeu hanghmoeg gensez guh giz gaem, haenqrenz ca ndei gihcu sezsiz gensez, vih doihaeuj gensez “mbanj minzcuz doxgiet cinbu mozfan” laeb maenh giekdaej. Gaenh bi daeuj, dangjihbu aen cunh neix cizgiz aeu hanghmoeg comz ndei swhyenz, cienzngaenz, gyavaiq gensez gihcu sezsiz, beijingang gajguh seiq gaep goengloh doeng mbanj 3.5 goengleix, ndawde roensuijniz 1.2 goengleix, coihguh daemzcaengraemx

300 lizfanghmij, gaq guenjaemx 1.5 goengleix, guh daemzcauji 27 aen.

Seiq dwg aeu canjyez fazcanj guh cungsim, haenqrenz ca ndei fazcanj ginghei mbanj minzcuz lijyouz, vih doihaeuj gensez “mbanj minzcuz doxgiet cinbu mozfan” daezhawj goengrenz. Aen cunh neix dangjihbu dingh aen lohnaemj “onj ndaem oij, hwng yw Yauzcuz, lai ciengx doihduz”, dazyinx vunz lai diuzcingj dajndaem gezgou, hawj vunz lai dieg saujsu minzcuz doengzcaez byaij hwnj diuz roen baenzfouq.

(Loz Yangz)

Gih Raeuz Saujsu Minzcuz Sawgeq Gunghcoz Conhgyah Codanzvei Youq Namzningz Hai



我区少数民族古籍 工作专家座谈会 在南宁召开

Bonjbauq siusik(gicej Dangz Lungz) 1 nyied 16 hauh laj-byonghgoenz, Gvangjsih Saujsu Minzcuz Sawgeq Gunghcoz Conhgyah Codanzvei youq Namzningz gawjhengz. Vei yi lwnh le duenh doxgyawj neix gij gihbwnj cingzvang gvendaengz hong sawgeq minzcuz haenx, cam gyoengq conhgyah baezlaeng baenzlawz guh ndei hong bujcaz, ciengjougou, soucomz, henho sawgeq minzcuz, doidoengh mizgven hanghmoeg sawgeq baenaj. Swcigih Minzvej cujyin Luz Yenbenj camgya vei yi caemhcai gangjvah. Gvangjsih Minzcuz Sawgeq Gunghcoz Conhgyah Vei jyenzei conhgyah, mizgven gauhyau nem gohyenz gihgou conhgyah, Swcigih Minzvej mizgven cu siz bouxfucwz gungh 20 vunz camgya. Ndaew doz dwg vei yi yienhciegz.

Lingzyinz: Bi' gvaq Caz Canjyez Hawj Nungzhoh Saujsu Minzcuz Demsou

凌云:去年茶产业助少数民族农户增收

Bi' gvaq, Lingzyinz Yen doengh-gij hoh ndaem caz ndaej fungsou. Lingzyinz Yen Cwngfuj 1 nyied 4 hauh naeuz, bi' gvaq Lingzyinz Yen daengx yienh cazausauj canjlieng 4159 dun; canjiz 23111 fanh maenz, beij bi' gyai doengzgeiz demhwnj 49.1%; doengh-gij hoh ndaem caz moix hoh souhauej 18055 maenz, moix bous souhauej 4012 maenz, beij bi' gyai demhwnj 30.6%.

Hawj suencaz cawz rum, raed ngeiq, mbak namh, dwk bwnh... cingq dwg seizdoeng, youq ndaw

suencaz heuswdsd haenx, doengh-bous ndaem caz cingq nyaengq ganq gocz. “Ranz gou ndaem 10 moux caz, bi' souhauej 2 fanh lai maenz. Ndwent ndwenlab mbak namh liux, daengz seizcin gocz couh maj ndaej engq ndei, canjlieng engq lai, engq ndei mbaet.” Gyanghwng Cunh bous ndaem caz Veiz Yizgai naeuz.

Dangqnaj, Lingzyinz miz 11.2 fanh moux suencaz, ndaej mbaet 8.6 fanh moux, cujyau comz youq Yihungz, Gyahyouz, Sahlij, Cauzlij

daengj 6 aen yangh(cin), gij gihdi baenzrangh dajndaem 500 daengz 1000 moux haenx miz 48 aen, cien moux doxhwnj haenx 25 aen, daengx yienh gungh miz mbawcaz gyagoeng giyez 110 lai aen, guekgia gaep nungzyez canjyezva cungdenj lungz-douz giyez aen he, daengx yienh miz 11260 hoh 50428 vunz guh hong ndaem caz, guh caz, gai caz daengj caz canjyez swnghecanj fuzvu, ciemq daengx yienh vunzsoq 1/4 doxhwnj.

(Luz Cianh Vangz Yenzyungz)

SIUSIK DINJ

简讯

● 1 nyied 14 hauh, Gvangjsih Minzcuz Bozvuzgvanj conhgyah daengz Lungzanh diuyenz vwnzva naz. Liuxle naeuz aen yienh neix yaek caenh'itbous vatgud vwnzva naz gaeuqgeq haenx, vih Lungzanh dajcaux binjbaiz vwnzva naz daezhawj gaujguj baengzgaug.

(Naij Sangfanz)

● 1 nyied 19 hauh, dwg liggaueq “ciet labbet”, Namzningz Si Bujmyau Cin gij mbanj doxgyawj comz daeuj aen suenmak swngdai cien moux makfeiz neix, byaujyenj lai yiengh minzsuz hozdung gig miz Bouxcuengh daegsaek haenx, angqcoux cieng moq.

(Yi Sienghceenz)

● 1 nyied 19 hauh, dwg ciet labbet. Sanhgyangh Duncuz Swciyen Linzhih Yangh Mbanj-gvansuij gyoengqvunz ndaw mbanj nda 100 daiz ngaiz cingj hekyouz gwn, baenz cien bous vunz ndaw mbanj nem hekyouz doengzcaez angq gvaq ciet labbet.

(Yangz Mingz Gungh Buj-gangh)

● Gaenh bi daeuj, Denhdwngj Yen doenggvaq hanghmoeg roengzngaenz, gisuz bangfuz, laebguh lwgmak hozcozse daengj cosih coengh bousndaemmak fazcanj lwgmak maenhndei. Daengz dangqnaj, aen yienh neix gaenq miz makit “bi song sauh” 2000 lai moux.

(Vangz Lilanz)

● Bineix ngamq heij, vih engq ndei hawj ginzung Myauzcuz hagsib roxyiuj dangj Cibbet Daih cingsaenz, Yungzsuij Myauzcuz Swciyen Myauzcuz Hezvei cizgiz hengzdoengh hwnjdauej, cungfaen leihyungj gij youhsi rox gangj Vahmyauzcuz, dawz dangj Cibbet Daih cingsaenz cien daengz ndaw mbanj Myauzcuz.

(Cinz Cunghdwz)